

## **UGOVORNE STRANE:**

1. **Veterinarski fakultet u Sarajevu** (u daljem tekstu Fakultet) , kojeg zastupa dekan prof.dr. Nihad Fejzić

i

2. **Smajić Ifeta** privatno gazdinstvo, Biličić bb, 80230 Glamoč

Zaključili su dana 16. 01. 2013. godine sljedeći

### **UGOVOR**

o nastavnoj, naučnoj i stručno-tehnološkoj saradnji

#### **I- PREDMET I CILJEVI UGOVORA**

##### **Član 1.**

Svrha ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta;
- izvođenje praktične nastave na farmi;
- ispitivanje i utvrđivanje zdravstvenog statusa grla s farme;
- dijagnostički, preventivni i kurativni tretmani.

#### **II- DOPRINOS FARME GLAMOČ**

##### **Član 2.**

U cilju realizacije ovog ugovora Farma Glamoč se obavezuje da će:

- obezbjediti nesmetan pristup akademskom osoblju i studentima Fakulteta u krug farme, kako bi obavili praktičnu nastavu, kao i sve druge radnje koje će omogućiti provođenje edukacije studenata po nastavnom planu i programu uz prethodni dogovor sa Veterinarskom službom na farmi;
- obezbjediti parking prostor u krugu farme za službena vozila fakulteta kojim će se studenti dovoziti i odvoziti na nastavu;

- obezbjediti adekvatan prostor pratećim sadržajima (sanitarni čvor i prostor za garderobu);
- jednom godišnje u pismenoj formi dostavljati Fakultetu /šefu klinika/ izvještaj o zdravstvenom statusu životinja sa kojima studenti dolaze u kontakt;
- omogućiti učešće akademskog osoblja i studenata u rutinskim zahvatima;
- omogućiti učešće akademskog osoblja i studenata u dijagnostičkim, preventivnim i kurativnim tretmanima;
- omogućiti učešće akademskog osoblja i studenata u uzimanju uzoraka krvi od grla sa farme radi vršenja analize istih u skladu i na način kako je to propisano pozitivnim zakonskim propisima.

### **III- DOPRINOS FAKULTETA**

#### **Član 3.**

U cilju realizacije ovog ugovora Fakultet se obavezuje da će:

- za gazdinstvo obavljati dijagnostičke, preventivne i kurativne tretmane u skladu sa planom i programom nastavnog procesa i u dogovoru sa šefom klinika Veterinarskog fakulteta u Sarajevu

#### **Član 4.**

Obaveze iz stava 3. ovog člana Fakultet će vršiti bez naknade.  
Farma Glamoč će obaveze iz člana 2. ovog ugovora izvršiti bez naknade.

### **IV- PRIJELAZNE I ZAVRŠNE ODREDBE**

#### **Član 5.**

Ugovor se zaključuje na period od četiri godine od dana potpisivanja istog.

#### **Član 6.**

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

## Član 7.

Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost suda u Sarajevu.

## Član 8.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2).

**Vlasnik Ifeta Smajić**

Ifeta Smajić

Ifeta Smajić

**Veterinarski fakultet u Sarajevu**

